

**Te mataora nei matou i te reva e te ora'anga meitaki o Queensland nei. Tera ua ra, ko te au turanga natura manamanata mei te matangi puaioio, te uria e te vai puke, e au turanga tinamou teia i konei. Kua oti i te au mea tei tupu ana i mua atu i te akaari mai e, auraka matou kia noo vare ua i te au tumatetenga ta teia au manamanata kino pakari ka akatupu.**

**Akamata'ia i teia taime tikai i te teatea-mamao no te au kino pakari viviki te ka tupu ake ma te:**

- Teatea-mamao'ia to kotou Nguutare;
- Teatea-mamao i ta kotou Parani no Ta Kotou Au Manu Animara Akaperepere no te Tuatau Kino Pakari Viviki e ta kotou Ko'u Apinga tauturu no te Tuatau Kino Pakari Viviki, no ta Kotou Au Manu Animara Akaperepere;
- Teatea-mamao'ia ta kotou Parani Nguutare no te Tuatau Kino Pakari Viviki;
- Teatea-mamao'ia to kotou Nguutare Tangata no te Neke'anga e pera katoa ta kotou Ko'u Apinga tauturu no te Tuatau Neke'anga; e te
- Akatangi akarongo meitaki ia atu te au Akakitekite Akamatakite'anga.

Mei ta tatou ka teatea-mamao i to tatou ngutuare tangata e to tatou ngutuare no te au tuatau me tupu ake te kino pakari viviki, ka anoano katoa ia kia teatea-mamao tatou i ta tatou au manu animara akaperepere. Ko ta kotou au manu animara tetai tuanga o te ngutuare tangata; na roto i te teatea-mamao'anga i teia tuatau tikai, e rauka ai te turanga meitaki e te maru no ta kotou au manu animara akaperepere me kapiti atu kotou i tei tau kia teatea-mamao'ia no ratou ki roto i ta kotou parani teatea-mamao'anga no te ngutuare.

Ua atu e, ka tuketuke te anoano o te tangata tatakita, ka anoano'ia kotou kia akapapu i te parani meitaki rava atu no to kotou au turanga e no to kotou moti'a.

Aravei'ia atu to kotou konitara oire e tetai au putuputu'anga ke atu no runga i te au kino, penei te ka tupu ake, te au parani a te oire no te au tuatau kino pakari viviki, e, eaa tei oti i te akanoo'ia kia raveia no te au manu animara akaperepere no te akaruru'anga ia ratou no tetai tuatau poto, me tupu ake te au kino pakari viviki, me kore ra, te au kino maata ua atu ei.

## Kia vai teatea-mamao ua rai

Me te manako'ia ra kia akaneke'ia te au manu animara ki tetai ngai meitaki, rave viviki'ia te reira, ei ravenga i te kopae atu i te kino, penei, te ka tupu ake. Penei, kare e tau ia kotou i te apai i ta kotou au manu animara akaperepere ki te ngai akaruru i neke'ia kotou ki reira kia ora – parani teatea-mamao'ia i mua atu ma te papa meitaki.

- Tapeka meitaki ia te au manu animara ki roto i tetai ngai i mua ake i tetai angaanga o te tuatau kino pakari viviki, kia kore ratou e rere ke, me kore ra, e oro ki tetai ngai ke.
- Ta-angaanga'ia tetai pi'a apai/ aua apai manu animara, te taura tapeka me kore ra, te taura tatua, no te neke'anga i te au manu animara ki tetai ngai meitaki.
- Akapapu meitaki ia e, te vai ra te turanga tau o te tuatau no to ratou Patia paruru.
- Penei, ka rauka i te apai i ta kotou manu animara akaperepere kia noo ki tetai ngai akaruru meitaki tikai i tetai ngai takake atu i te ngai i tupu ei te kino pakari viviki.
- Me ka rauka ia kotou i te apai i ta kotou manu animara akaperepere ki tetai ngutuare manu no tetai tuatau poto akaruru ei, e akapapu kotou e, ko tona tuatua rapakau'anga e te tuatua no te angai'anga iaia ki tana kai, tona vairakau e tetai au apinga ke atu nona, kia apai katoa ia te reira ki te ngutuare ka noo aia.
- Akapapu meitaki ia e, kua ta-ingoa tau meitaki ia te au manu animara akaperepere katoatoa. Kia maara ua rai e – i te au tuatau o te kino pakari viviki, penei, kare te au founu e va mai, e, e mea puapinga katoa no tetai au ravenga tei retita'ia, e tei roto katoa toou atereti e noo ra i teia tuatau.
- Ka anoano'ia tetai tutu ou. Penei, ka riro teia i te tauturu kia kite viviki'ia koe, e naau tikai teia manu animara akaperepere.

Kapi 1 o te kapi 2  
Cook Islands Maori

© 2013 Department of Community Safety

## Te au puakaoa tauturu tei tereni'ia

I te maata'anga o te taime, ka akatika'ia te au puakaoa tauturu tei tereni'ia kia noo ki roto i te au ngutuare akaruru o te tuatau kino pakari viviki ma to ratou au pu. Ko te au puakaoa te ka akatika'ia, penei, ka anoano'ia tetai akapapu'anga ia ratou e te akapapu katoa anga o to ratou vaccination. Aravei'ia atu te konitara oire no tetai au tuatua akakitekite akaou mai no teia.

## Eaa i reira e, me kare taau manu animara akaperepere i te puakaoa, me kore ra, i te kiore-ngiao?

Ua atu te maata'anga o te au manu animara akaperepere a te au ngutuare e, e au puakaoa, e au kiore-ngiao e te au manu; ko te au tuatua akakitekite e tamanako'ia atu nei, ka tau katoa te reira no te parani teatea-mamao'anga no te tuatau kino pakari viviki no te au manu akaperepere katoatoa a te au ngutuare katoatoa.

Me kare taau manu akaperepere e o ki roto i teia akapapu akataka'anga, mei te au manu o te vai, te au manu totoro, te au manu livestock rikiriki (te au puaka, te au moa, te au puaka-nio, te au oroenua, te au puakatoro, te au mamoe), te tamanako'ia atu nei e, kia aravei atu koe i te au putuputu'anga tuketuke no teia au manu, mei te Queensland Primary Industry e te Fisheries (au animara mamaata), te RSPCA, te taote o taau manu, me kore ra, te toa oko manu akaperepere, no te au tuatua akamarama no te teatea-mamao'anga no te tuatau kino pakari viviki.

## AKAPAPU UA IA RAI E

- **Ka rauka e ka rava te kai e te vai meitaki a ta kotou manu animara akaperepere.**
- **E punanga akaruru e te ngai moe to ta kotou manu animara akaperepere.**
- **Ka rauka meitaki ua e te ngoie i te kitea'ia e, naai te au manu akaperepere e akono tiaki ra kotou.**
- **E au numero founu ta kotou no to kotou veterinarian/no te putuputu'anga akono manu o te oire tei kapiti'ia atu ki roto i ta kotou ko'u a te ngutuare no te tuatau kino pakari viviki.**
- **Auraka rava kotou e akaruke i tetai ua atu manu animara kia tapeka'ia, me kore ra, kia tamou'ia ki te vivi ma te kore ona ngai no te akaruru e te moe.**
- **Auraka rava kotou e akaruke i tetai ua atu manu animara ki roto i tetai apinga akaou.**

*Ko teia taita'anga, e tuatua akakitekite ua e kua raveia teia ma te ngakau tae meitaki tikai. Kare te Department of Community Safety, te Emergency Management Queensland, te State Emergency Service e ariki i tetai atu aka'apa'anga me rokoia tetai tangata e te turanga kino e tona au apinga (e pera katoa te au kino tei tupu i muri mai) kia aia. Kare katoa e ariki'ia tetai akaapa'anga me kua irinaki tetai au tangata ki runga i teia au tuatua akamarama'anga.*

## Te Ko'u Apinga tauturu no te Manu Animara Akaperepere no te Tuatau Kino Pakari Viviki

E akapapu kotou e, ka rauka ngoie ua ta kotou Ko'u Apinga no te Manu Animara Akaperepere no te Tuatau Kino Pakari Viviki, e tei roto i reira te:

- Au vairakau o te Manu Akaperepere (te ka rava no tetai rua epetoma), te au rekoti o te au vairakau e te au vaccinations e te au tuatua akataka no te taote o te au manu.
- Kia rava te kai (pera katoa te au mea akareka) e te vai (mei te vai moina) no te au manu tatakita – no tetai rua epetoma te roa. Auraka e ngaropoina i te apinga va'i tini (tin opener), me e kai punu ta kotou.
- Tetai parangikete tei matau'ia e ta kotou manu akaperepere, me kore ra, tetai ro'i moe, te au apinga kangakanga te apinga no te ururu'anga iaia.
- Tetai carrier piri meitaki no te manu akaperepere, te taura tapeka, me kore ra, te te taura tatua no te neke'anga i te au manu animara akaperepere ki tetai ngai meitaki.
- Akamanako meitaki ia te turanga ma o taau manu te ka anoano'ia, no te mea, e turanga puapinga teia no to ratou (e toou katoa) ora'anga, mei te nutipepa, te tauera pepa vairakau tamā, te au pute tita.
- Ka anoano'ia kia kaikai te au manu rere i te au ra tatakita – tuku'ia tetai au kai turanga meitaki tikai e te apinga vairanga vai ki roto i te au aua apai (cage) manu, e tetai tapoki no te aua.
- Te au numero founu puapinga; mei to toou taote manu, te au tuatua akakitekite o te manu akaperepere e te au putuputu'anga oranga tuatua tauturu akamarama.
- Te au tuatua no te rave'anga i te akataka akamarama'anga kia kitea'ia e, naai teia manu.
- Tetai tutu ou ei ravenga kia kitea'ia e, naai teia manu.

**No tetai au tuatua akakitekite akaou no te teatea-mamao'anga no te tuatau e tupu ei te au kino pakari viviki – atorua'ia atu te [www.disaster.qld.gov.au](http://www.disaster.qld.gov.au)**



# Teatea-mamao'ia taau Parani no Taau Au Manu Animara Akaperepere no te Tuatua Kino Pakari Viviki.

## Te Ko'u akatinamou'anga o te Au Manu Animara Akaperepere no te Tuatau Kino Pakari Viviki (no te au manu animara tatakita)

Te au tuatua akataka akapapu'anga e, naai		Te roi moe, te au apinga kangakanga	
Te au vairakau		Te apinga tāmā uruuru	
		Te kai, e te koputa va'i punu kai	
		Te vai e te kapu vairanga vai	
Te au rekoti o te au patia'anga paruru		Te pia apai/ aua apai, te taura tapeka, te taura tatua	
Te tuatua akataka akamarama o te taote manu		Te au turanga tei anoano'ia no te noo ma te ma meitaki	

## Te au numero founu puapinga

Te punanga rapakau'anga o te manu animara i te tuatau kino pakari viviki	
Te numero founo o te RSPCA 1300 363 736 no te ripoti'anga i tetai manu animara tei ngaro, me kore ra, tei kitea'ia mai	Te numero founu 1300 o te manu animara 1300 264 625
Te putuputu'anga o te oire no te tiaki e te akono i te au manu animara	
Te veterinaria	
Te Akava, te au aronga tamate a'i e te Ambulance (e kapiki ua koe mei te mea e, te manako ra koe e, e kino te ka tupu ki te ora'anga o tetai tangata, e kino maata, me kore ra, e kino pakari ua atu ei.	No te au Kino Pakari Viviki: Te Triple 000 (te 112 mei runga mai i te mobile)
Te State Emergency Services (SES)	Te numero 132 500
Te Konitara Oire	
Te insurance te ka oronga'ia mai no te manu animara akaperepere	
Te au tuatua akakitekite no te au manu animara akaperepere e te au putuputu'anga oronga tauturu akamarama	
Te ngai angaanga	
Te ngai angaanga	
Te au ngutuare vaitata kia koe	
Te au ngutuare vaitata kia koe	

Ko teia tata'anga, e tuatua akakitekite ua e kua raveia teia ma te ngakau tae meitaki tikai. Kare te Department of Community Safety, te Emergency Management Queensland, te State Emergency Service e ariki i tetai atu aka'apa'anga me rokoia tetai tangata e te turanga kino e tona au apinga (e pera katoa te au kino tei tupu i muri mai) kia aia. Kare katoa e ariki'ia tetai akaapa'anga me kua irinaki tetai au tangata ki runga i teia au tuatua akamarama'anga.

No tetai au tuatua akakitekite akou mai no te teatea-mamao'anga no te tuatau kino pakari viviki – atoro'ia atu te [www.disaster.qld.gov.au](http://www.disaster.qld.gov.au)

## Te au tuatua akakitekite no te au vairakau o te manu akaperepere

Te ingoa	Te vairakau	Te maata o te vairakau i te taime okotai, e te putuputu kia kai ia

## Te au tuatua akamarama no te aravei atu anga i te ngutuare

Te ingoa	Te numero mobile	Te atereti i-mere

## Te tangata o te ngutuare tei tamanako'ia e, koia te aravei'ia atu me tupu ake te kino pakari viviki

Te ingoa o te tangata vaitaa mai kia aravei'ia atu	
Te atereti	
Te au numero founu o te ngutuare/ngai angaanga	
Te atereti i-mere	
Te ingoa o tetai i va'o mai i te oire, no te aravei atu anga iaia	
Te atereti	
Te numero founu / apaipai rima	
Te atereti i-mere	

Kapi 2 o te kapi 2  
Cook Islands Maori